



**NOGOMETNI SAVEZ
FEDERACIJE BOSNE I HERCEGOVINE**

PLAN MJERA I PROCEDURA "COVID-19"

**ZA ODIGRAVANJE UTAKMICA PRVE I DRUGE LIGE NS FBiH I
ZAVRŠNICE KUP-A FBiH BEZ PRISUSTVA PUBLIKE**

TAKMIČARSKA 2020/2021 SEZONA

juli/srpanj 2020.

Broj: 759/20
Sarajevo: 23.07.2020.

Izvršni odbor Nogometnog saveza Federacije BiH, na osnovu člana 32. Statuta NS FBiH, na 42. sjednici održanoj 23.07.2020. godine u Sarajevu, donio je s l j e d e ć i

**PLAN MJERA I PROCEDURA "COVID-19"
ZA ODIGRAVANJE UTAKMICA PRVE I DRUGE LIGE NS FBiH I ZAVRŠNICE KUP-A FBiH
BEZ PRISUSTVA PUBLIKE U TAKMIČARSKOJ SEZONI 2020/2021**

1. PREVENTIVNE AKTIVNOSTI U CILJU SPRJEČAVANJA ŠIRENJA INFEKCIJE

1.1. Uvodni dio

Kod ovog Corona virusa pod nazivom SARS-CoV-2 radi se o novom virusu koji se prenosi disajnim putevima, a koji se prvi put pojavio u Kini (Wuhan). Bolest prouzrokovana ovim virusom je označava se sa nazivom COVID-19.

Tok bolesti je nespecifičan, višestran i sa snažnim varijacijama, od asimptomatskih pa do teških upala pluća, koji prouzrokuju i smrtne slučajeve. Iz navedenog je jasno da se radi o netipičnoj bolesti. Kao najčešći simptomi, javljaju se temperatura i kašalj. Oko 80 % slučajeva oboljenja su blagi ili srednje teški. Kod pojedinih rizičnih grupa pacijenata postoji veća šansa da dođe do težeg oblika oboljenja.

Vrijeme inkubacije je u prosjeku 5-6 dana, ali je moguć i razmak od 1-14 dana. Asimptomatska mogućnost prenosa igra važnu ulogu kod samog širenja epidemije.

1.2. Načini prenosa i mogućnost preživljavanja

Najčešći prijenos bolesti je kapljičnim putem (kašalja i kihanje), i to preko očiju, nosa ili usta. Također, moguć je i prijenos putem kontakta sa kontaminiranim površinama. Ne postoje dokazi da je moguć prijenos krvnim putem.

Sposobnost preživljavanja virusa zavisi od različitih faktora, kao npr. temperatura, vlažnost zraka, UV-zračenje; ona varira od nekoliko sati pa sve do nekoliko dana, u ovisnosti od uslova i vrste površine.

1.3. Dijagnostika

Dijagnoza prisustva virusa se vrši putem:

- ⇒ RT-PCR testa (bris nosa),
- ⇒ Serološki nalaz iz krvi.

1.4. Prijedlog procesa testiranja igrača, službenih lica, sudija i ostalih osoba u organizaciji

Nijedna od gore pomenutih metoda dijagnostike ne može sa apsolutnom sigurnošću isključiti postojanje virusa. Stoga bi idealno bilo uraditi kombinaciju ovih metoda, ali je jasno da bi to u našim uslovima bilo veoma skup i komplikovan proces.

Stoga se predlaže da se uradi Serološki test, i to u dvije faze: prije početka trenažnog procesa, te prije početka odigravanja samih utakmica. Testiranje bi uradile nadležne službe na teritoriji na kojoj se nalaze klubovi Prve lige BiH, i to:

- ⇒ Unsko-sanski kanton: **NK Jedinstvo Bihać**
- ⇒ Posavska županija- Orašje: **HNK Orašje**
- ⇒ Tuzlanski kanton: **NK Bratstvo Gračanica, FK Budućnost Banovići, NK Slaven Živinice i NK Zvijezda Gradačac**
- ⇒ Zeničko-dobojski kanton: **NK Tošk Tešanj, FK Rudar Kakanj i NK Vis Simm Bau Kosova**
- ⇒ Bosansko-podrinjski kanton: **FK Goražde**
- ⇒ Srednjobosanski kanton/KSB: **NK Travnik**
- ⇒ Hercegovačko-neretvanski kanton/županija: **FK Igman Konjic, HNK Čapljina i NK Gošk Gabela**
- ⇒ Županija Zapadnohercegovačka: **HŠK Posušje**
- ⇒ Kanton Sarajevo: **FK Radnik Hadžići**

Izvršilo bi se obavezujuće testiranje slijedećih osoba (po klubu):

- ⇒ 25 igrača,
- ⇒ 3 trenera,
- ⇒ 4 člana medicinskog osoblja,
- ⇒ 3 članova administracije.

Klubovi koji izvrše testiranje igrača i ostalih osoba u klubu, dužni su u NS FBiH (sekretarijat NS FBiH) dostaviti rezultate testiranja.

Također, prije početka takmičenja potrebno je izvršiti i testiranje sudija i ostalih službenih osoba uključenih u organizaciju.

1.5. Mjere u cilju smanjenja rizika od infekcije

Jasno je da je potrebno permanentno praćenje razvoja situacije, obzirom da može doći do promjene naučnih saznanja u vezi sa ovom bolesti. Kontinuiranu procjenu situacije će vršiti nadležni državni i entitetski organi.

Treninzi i utakmice će se održavati na otvorenom prostoru, što značajno smanjuje rizik od infekcije. Međutim, od ogromnog značaja je ponašanje svakog pojedinca, koji može doprinjeti smanjenju rizika. Ispravno i detaljno čišćenje i dezinfekcija okruženja (prostorije, oprema materija) je također važno. Isto se odnosi i na povećanje higijene i pranja ruku, kao i nošenje maski gdje god je to moguće.

U pogledu ponovnog početka treninga i odigravanja utakmica bez prisustva publike, potrebno je poduzeti slijedeće preventivne mjere:

- ⇒ Svi učesnici su obavezni potpisati deklaraciju o odgovornosti, koja je uslov za nastup / učešće na utakmici i / ili treningu (obrazac deklaracije je dodatak ovom dokumentu);
- ⇒ **Testiranje na COVID-19 obaviti najmanje prije početka trenažnog procesa, kao i prije početka odigravanja utakmica (tj. prije prvog kola);**
- ⇒ Edukacija igrača i ostalih učesnika o ispravnom ponašanju prije, tokom i nakon treninga / utakmice;
- ⇒ **Mjerenje temperatura pri ulasku na stadion;**

- ⇒ Na predviđenim mjestima postaviti uređaje sa dezinfekcionim sredstvima za pranje ruku;
- ⇒ Povećane mjere lične higijene (redovno pranje i dezinfekcija ruku, korištenje maski gdje je moguće);
- ⇒ Svaki pojedinac treba imati sopstvenu opremu (lično);
- ⇒ Povećan nivo čišćenja i dezinfekcije svih prostorija na stadionu, materijala i opreme;
- ⇒ Održavanje socijalne distance (nema rukovanja, grljenja, ili bilo kojeg drugog kontakta).
- ⇒ Strogo ograničenje kretanja među zonama, uz jasan sistem akreditovanja

2. ODIGRAVANJE UTAKMICA BEZ PRISUSTVA PUBLIKE

Kod razrade ovog dijela plana, polazi se od pretpostavke da u kratkom i srednjem roku neće biti moguće odigravanje utakmica sa prisustvom publike. Kako bi NS FBiH i klubovi mogli ispuniti svoje neophodno je da u organizaciji utakmice učestvuju različite grupe osoblja, čije je prisustvo neophodno i na samom stadionu.

Ovdje su uključeni prevashodno igrači, stručni štabovi ekipa, službena lica NS FBiH (sudija, posmatrač suđenja, delegat i ostali predstavnici), službeni snimatelji, kao i ostale osobe uključene u samu organizaciju utakmice.

Kako bi se uspješno organizovala utakmica u ovim uslovima, u prvom planu treba imati slijedeće ciljeve:

- Reduciranje potrebnog osoblja na minimum,
- Sveobuhvatne mjere za što je moguće veće fizičko razdvajanje prisutnih osoba,
- Pridržavanje svih sigurnosnih i preventivnih mjera (npr. držanje socijalne distance, gdje je to moguće).

2.1. Podjela stadiona na različite zone

Stadion za odigravanje utakmica će biti podijeljen na 3 zone, kako bi se na najbolji način koordinirale različite grupe osoblja, te uspješno sprovele odgovarajuće sigurnosne i preventivne mjere.

U principu, nije dozvoljeno slobodno kretanje osoba među zonama. Organizator utakmice je odgovoran za podjelu zona, a prijedlog koncepta podjele se treba dostaviti u NS FBiH najkasnije pet dana prije zakazanog nastavka takmičenja, kao i odobrenje nadležnog lokalnog kriznog štaba.

Zona	Prostorije /dijelovi
Teren za igru i prostor svlačionica	<ul style="list-style-type: none"> - Teren za igru - Svlačionice - Toaleti - Tehnički prostor - Prostor oko terena zaigru
Prostor tribina (samo glavna tribina)	<ul style="list-style-type: none"> - Toaleti - VIP loža - Mjesta za medije - Prostorija za zvaničnog spikera
Vanjski dio stadiona	<ul style="list-style-type: none"> - Pristupni putevi - Prostor za snimatelja - Vanjski perimetar stadiona - Parking

2.2. Menadžment različitih grupa osoblja

Svaka osoba koja ulazi na stadion, mora ispuniti i potpisati deklaraciju / izjavu (koja je sastani dio ovog dokumenta), te mora posjedovati određenu akreditaciju ili lični dokument na osnovu kojeg će se utvrditi identitet.

Također, sve osobe na stadionu, izuzev igrača i članova Stručnog štaba i sudija, moraju sve vrijeme nositi maske, i držati socijalnu distancu. Tokom utakmice, u tehničkom prostoru se mora poštovati socijalna distanca (min. 1 metar razmaka među osobama)

Broj potrebnih osoba mora biti sveden na minimum, i to na način kako slijedi:

ZONA 1 (CRVENA ZONA) – PROSTOR TERENA I SVLAČIONICA:

Igrači obje ekipe (11 + 9)	40
Stručni štabovi obje ekipe (3)	6
Sakupljači lopti	4
Fotografi	2
Hitna pomoć	2
Nosači nosila	2
Redari / zaštitari/ policija	5
Sudije	4
Ostali predstavnici NS FBiH	2
Služba za održavanje /čišćenje	2
Kamermani	3
Ukupno	72

ZONA 2 (ŽUTA ZONA) – PROSTOR TRIBINA

Redari /policija	10
Uprava stadiona	2
Gostujuća delegacija	4
Domaća delegacija	6
Novinari	4
NS FBiH	2
Ukupno	28

ZONA 3 (ZELENA ZONA) – PROSTOR OKO STADIONA

Redarska služba i policija	10
TV produkcija	3
Održavanje stadiona	5
Ukupno	18

Svi učesnici obavezni su poštovati sistem akreditovanja i podjelu na zone.

2.3. Pripreme u organizaciji utakmice

2.3.1. Obaveza dostavljanja informacija od strane gostujućeg kluba

Gostujući klub ima obavezu da najkasnije 6 sati prije početka utakmice dostavi klubu domaćinu kompletan spisak igrača i svih ostalih osoba, sa potpisanim izjavama (obrazac u prilogu), te potvrdom da je negativan na COVID-19 testu prije početka takmičenja.

Također, potrebno je dostaviti informaciju o tačnom vremenu dolaska na stadion, te navesti koje osobe putuju autobusom, a koje drugim vozilima.

2.3.2. Dolazak ekipa na stadion

Kod putovanja i dolaska na stadion ekipa, potrebno je primjenjivati opšte higijenske mjere (nošenje maski za lice, dezinfekcija, itd). Kod rasporeda sjedenja u autobusu, svaka osoba sjedi sama (1 osoba na 2 sjedišta).

Ukoliko je moguće, ekipe i ostala službena lica dolaze na stadion direktno, najkasnije 90 min. prije početka utakmice.

Potrebno je izbjegavati dolazak dan ranije. Ukoliko ekipa ipak dolazi dan ranije, potrebno je sa osobljem odabranog hotela ranije utvrditi sve higijenske i propisane mjere u cilju zaštite zdravlja igrača i ostalih zaposlenika.

2.3.3. Kontrola ulaza na stadion

Klub domaćin/organizator je odgovoran za kontrolu ulaska na stadion, a delegat NS FBiH ili druga ovlaštena osoba NS FBiH nadzire sprovođenje svih mjera.

Samo osobe koje su navedene u ovom dokumentu, i pod navedenim uslovima (potpisana deklaracija i ID dokument) mogu ući u stadion.

Pri ulasku, sve osobe moraju proći kroz dezinfekcione sadržaje, te se istim mjeri i tjelesna temperatura.

Raspored ulaza u različite dijelove stadiona utvrđuje klub domaćin.

2.3.4. Izlazak igrača i sudija na teren pred početak utakmice

Izlazak na teren je, kako je i uobičajeno, iz tunela a prema sljedećoj proceduri:

- ⇒ Na teren prvo izlaze trojica sudaca, i idu prema središnjoj liniji,
- ⇒ Četvrti sudac i delegat vrše kontrolu opreme i identifikaciju igrača gostujuće ekipe u tunelu, a nakon toga gostujući igrači izlaze na teren i postrojavaju se na središnjoj crti,
- ⇒ Četvrti sudac i delegat vrše kontrolu opreme i identifikaciju igrača domaće ekipe u tunelu, a nakon toga domaći igrači izlaze na teren i postrojavaju se na središnjoj crti,
- ⇒ Ekipe se okreću na središnjoj crti terena prema glavnoj tribini. Nije dozvoljeno rukovanje. Razmak između igrača i sudija je minimalno jedan metar.

2.3.5. Tehnički prostor

Sjedenje u tehničkom prostoru se treba organizovati na način da se poštuju propisane higijenske mjere (uključujući socijalnu distancu). Ukoliko je potrebno, dozvoljeno je postavljanje i stolica izvan tehničkog prostora.

2.3.6. Sakupljači lopti

Klub organizator će osigurati 4 sakupljača lopti (raspoređenih na 4 strane stadiona), koji sve vrijeme moraju poštovati higijenske propise (obavezno nošenje maski i rukavica).

2.3.7. Pozdravljanje nakon završetka utakmice i proslavljanje kod postignutog pogotka

Pozdravljanje (rukovanje) nakon završetka utakmice nije dozvoljeno.

2.4. Snimatelji

Ovlaštena TV agencija mora najkasnije u roku od 24 sata prije odigravanja utakmice klubu domaćinu dostaviti spisak osoblja koji će prisustvovati utakmici, sa potpisanim deklaracijama.

2.5. Mediji

Klub domaćin je odgovoran za akreditovanje predstavnika medija. Broj osoba treba biti sveden na minimum, i ne smije premašiti broj naveden u ovom dokumentu (max. 6 novinara + 2 fotografa). Kopija spiska prisutnih predstavnika medija, zajedno sa potpisanim deklaracijama se obavezno dostavlja delegatu NS FBiH.

3. TAKMIČARSKI DIO

Takmičenja u organizaciji NS FBiH se organizuju u skladu sa usvojenim Propozicijama za takmičarsku sezonu 2020/2021 i ostalim odlukama IO NS FBiH.

U ovom dijelu je potrebno definisati i razraditi moguće scenarije u slučaju pojave mogućih komplikacija:

3.1 Trajni prekid takmičenja

Ukoliko dođe do donošenja odluke o trajnom prekidu takmičenja (proglašenje vanrednog stanja, stanja nesreće, zabrana organizacije takmičenja o strane nadležnih organa, i sl), primjeniće se sljedeći principi:

- Takmičenje pokušati odigrati do kraja kada se za to steknu uslovi, poštujući rokove za završetak određene od strane NS FBiH i NS/FS BiH;
- U slučaju mogućeg nastavka, kalendar takmičenja mora biti realan i raspored odigravanja utakmica ne smije ugroziti zdravlje igrača (ritam subota-srijeda-subota);
- Ukoliko nije moguće nastaviti takmičenja, odnosno donese se odluka o trajnom prekidu, primjenjuju se sljedeći principi:

1. Ukoliko je odigrano 17 ili više kola Prve lige NS FBiH (17. kolo, 13/14.03.2021.), onda se primjenjuje trenutna tabela i klubovi ostvaruju prava po datom plasmanu;
2. Imajući u vidu da četiri grupe Druge lige NS FBiH imaju različit broj klubova i različite termine početka drugog dijela takmičenja, kao relevantan kriterij za primjenu tabele uzet će se datum odigravanja kola svake grupe Druge lige na dan 13/14.03.2021. godine.
3. Ukoliko se odigra manje od 17. kola takmičenja Prve lige NS FBiH, prvenstvo se poništava, tj. neće se proglasiti prvak, klub neće napredovati u Premijer ligu BiH, niti će iz lige ispadati klubovi. Liga se u tom slučaju neće popunjavati klubovima iz nižeg ranga;
4. Analogno dredbama prethodnih tačaka 1., 2. i 3. rješava se status klubova Druge lige NS FBiH, odnosno pitanje proglašenja prvaka i ispadanja iz lige.

3.2 Privremeni prekid takmičenja / odgađanje utakmica

- Svi klubovi moraju imati dovoljan broj registrovanih igrača, kako bi mogli imati dovoljno zamjena u slučaju pojave zaraženih igrača;
- U slučaju pojave zaraženih igrača u ekipi, ti igrači idu u samoizolaciju u skladu sa epidemiološkim preporukama, ali se utakmice ne odgađaju.

5.3 Pravila nogometne / fudbalske igre

U slučaju da FIFA/IFAB donese odluku o promjeni bilo kojeg člana Pravila igre, a koji se odnosi na samo takmičenje (npr. povećanje broja izmjena) izvršit će se prilagođavanje Propozicija takmičenja Prve i Druge lige NS FBiH.

4. DISCIPLINSKA ODGOVORNOST

U slučaju da klubovi ne ispoštuju bilo koju mjeru navedenu u ovom dokumentu, podliježu disciplinskoj odgovornosti, u skladu sa odredbama Disciplinskog pravilnika NS/FS BiH i ovom odlukom IO NS FBiH, i to:

“(1) Klub koji ne izvršava obaveze iz Plana mjera i procedura “COVID-19”, biće kažnjen novčanom kaznom od 1.000 KM do 5.000 KM.

(2) Ako se prekršaj iz st. 1. ovog člana ponovi ili se okvalifikuje kao teži prekršaj, klub će biti kažnjen oduzimanjem od dva do šest bodova ili kaznom od dva do šest negativnih bodova.”

5. KONTROLA PROVEDBE MJERA

Za kontrolu provođenja mjera propisanih u ovom dokumentu, pored delegata utakmice, nadležni su Takmičarska komisija NS FBiH, Komisije za sportsku medicinu NSFBiH i ljekari klubova.

Prava i obaveze klupskog ljekara i delegata:

- Da zajednički preventivno rade na otklanjanju eventualnih problema u sprovedbi;
- Da na stadion dođu najkasnije 2 sata prije utakmice, te zajednički izvrši inspekciju stadiona, te ispunjenost uslova iz ovog dokumenta;

- Da u slučaju bilo kakvih problema klupski ljekar obavijesti delegata, koji je dužan neodložno telefonski kontaktirati Komisiju za takmičenje NS FBiH i Sekretarijat NS FBiH;
- Da delegat u svom izvještaju dostavi detaljno obrazloženje o poduzetim mjerama.

6. PRIMJENA PLANA MJERA I PROCEDURA "COVID 19"

Ovaj Plan mjera i procedura "Covid 19" primjenjivat će se za klubove i za utakmice Prve i Druge lige Nogometnog saveza Federacije BiH.

PREDSJEDNIK
Irfan Durić sr.

**OBRAZAC IZJAVE O ODGOVORNOSTI
UČESNIKA U TAKMIČENJU PRVE I DRUGE LIGE NS FBiH I ZAVRŠNICE KUP-A NS FBiH
ZA TAKMIČARSKU 2020/2021 GODINU**

(IZJAVA SE OBAVEZNO POTPISUJE PRIJE POČETKA TRENAŽNOG PROCESA, TE PRIJE SVAKE UTAKMICE; 2 KOPIJE POTPISANIH IZJAVA KLUBOVI OBAVEZNO DOSTAVLJAJU DELEGATU I MEDICINSKOM SLUŽBENIKU NS/FS BIH)

U cilju smanjenja rizika od zaraze corona virusom (COVID-19), te u cilju zaštite ostalih učesnika u organizaciji događaja, članovi/članice klubova Prve i Druge lige NS FBiH (igrači, treneri, ostali zaposlenici, angažovani vozači autobusa, angažovani kuhari, medicinsko osoblje), pod punom materijalnom, krivičnom i disciplinskom odgovornošću potvrđuju slijedeće:

1. Da u posljednjih 14 dana od dana potpisa dokumenta nisu boravili van BiH;
2. Da nemaju nikakvih simptoma koji ukazuju na gripu isl. (kašalj, temperatura, poteškoće u disanju, i sl);
3. Da učešće u trenažnom procesu i na utakmicama uzimaju na vlastitu odgovornost, te da oslobađaju klubove i NS FBiH bilo kakve odgovornosti.

DATUM: _____

IME I PREZIME: _____

MJESTO PREBIVALIŠTA: _____

KLUB: _____

ULOGA / FUNKCIJA: _____

POTPIS: _____